

T 5240 / 7160 (6)

CHINESE 7447
HARVARD - YENCHING INSTITUTE
HARVARD UNIVERSITY
OCT 31 1948

楚辭卷十一

反離騷

序註俱輯舊本

哈佛大學漢和圖書館珍藏印

先是蜀有司馬相如作賦甚弘麗溫雅雄心壯

之每作賦常擬之以為式又怪屈原文過相如

至不容作離騷自投江而死悲其文讀之未嘗

不流涕也以為君子得時則大行不得時則龍

蛇遇不遇命也何必湛身哉廼作書往往撫離

騷文而反之自嶧山投諸江流以弔屈原名曰

反離騷

有周氏之蟬媯兮。或鼻祖於汾隅。靈宗初謀伯僑兮。流于末之揚侯。淑周楚之豐烈兮。超既離虜皇波。於媯

連反侯
叶音胡

蟬媯連也鼻始也。汾隅揚邑也。雄自言系出於周而食采於揚也。謀譜也。言從伯僑以來可得而叙也。淑善也。言去汾隅從巫山得周楚之美烈也。超速也。離歷也。皇大也。言其先祖所居經河及江也。河江四瀆之水故云大波也。

因江潭而泚記兮。欽弔楚之湘纍。惟天軌之不辟兮。

何純絜而離紛紛。纍以其泚。忍兮暗纍以其續紛。音潭

尋泚音往。纍力追反。叶力禾反。辟讀作闢。泚吐典反。忍乃典反。續匹人反。

泚乘水而往也。記書記謂弔文也。言因江水之邊而投書記以往弔也。諸不以罪死曰纍。屈原赴湘死故曰湘纍也。軌路也。辟開也。紛難也。言天路不開。故使純善貞潔之人遭此難也。泚忍穢濁也。

漢十世之陽朔兮。招搖紀于周正。正皇天之清則兮。度后土之方貞。

十世數高祖呂后至成帝八年也。招搖斗杓星周

正十一月也記以此時投文也。正天度地乃雄自言已心所履行也。

圖纍承彼洪族兮。又覽纍之昌辭。帶鉤矩而佩衡兮。履攬捨以為綦。纍初貯厥麗服兮。何文肆而質。麗資。姬娃之珍。髦兮鬻九戎而索賴。麗叶音械。姬子侯反。娃於佳反。髦徒計反。

圖按其本系之圖書也。洪大覽省視也。昌美也。鉤規也。攬捨妖星綦履跡也。麗服謂扈江離與辟芷。紉秋蘭以為佩之類是也。文肆者離騷遠游乘龍之言也。質靡者恨世不用已而自沉也。姬娃皆古

美女髦髮也。賴利也。言原仕楚如資美女之髦而鬻於九戎之中。其人被髮無所用也。

鳳皇翔於蓬階兮。豈駕鶩之能捷。騁驪驪以曲躡兮。驢騾連蹇而齊足。枳棘之榛榛兮。媛貌擬而不敢下。

駕音加足。叶音接。

蓬階蓬萊之階也。駕鶩鳥名。驪驪駿馬。若駝鶩於屈曲艱阻之處。則與蹇騾無異矣。榛梗穢貌。媛善攀援。貌似猴。仰鼻而長尾。擬疑也。

靈脩既信椒蘭之唼。佞兮吾纍忽焉而不蚤。睹衿芟

茄之綠衣兮。被夫容之朱裳。芳酷烈而莫聞兮。固不
如。裳。而。幽。之。離。房。啞音妾。衿其禁反。茄古荷字。裳音壁。

靈脩椒蘭指楚王。令尹子蘭也。啞譜言也。裳疊衣
也。離房別房也。

閨中容競淖約兮。相態以麗佳。知衆媢之嫉妬兮。何
必。颺。纒。之。蚤。眉。佳叶音圭。

衆士爭能猶衆女之競容也。言競為佳麗之態以
相傾也。此見原自舉懿其眉使衆憎嫉也。

懿神龍之淵潛兮。埃慶雲而將舉。亡春風之被離兮。

孰焉知龍之所處。被讀曰披。
龍以潛居待雲為美。以譏屈原不能隱德自取禍
也。

愍吾纍之衆芬兮。颺燁燁之芳苓。遭季夏之凝霜兮。
慶。天。頽。而。喪。榮。頽古悴字。

夏而遭霜言不遇時也。慶辭也。

橫江湘以南淮兮。云走乎彼蒼吾。馳江潭之汎濫兮。
將折衷虜重華。舒中情之煩惑兮。恐重華之不纍與。
陵陽侯之素波兮。豈吾纍之獨見許。走音奏。吾與梧同。

言屈原欲啟質聖人陳已情要故凌大波而往訴
恐舜未必見許也

精瓊靡與秋菊兮將以延夫天年臨汨羅而自隕兮
恐日薄於西山

此又譏原欲餐玉以延年而乃懷沙以求死以見
其言行相反也

解扶乘之總轡兮縱令之遂奔馳鸞凰騰而不屬兮
豈獨飛廉與雲師

鸞凰迅飛亦無所及非獨飛廉雲師言莊嚴未具

也

卷薜芷與若蕙兮臨湘淵而投之棍中椒與菌桂兮

赴江湖而漚之

棍古本反漚
叶一侯反

若杜若蕙即蕙也此言原之赴水是并與其芳潔
之操而棄之也棍大束也漚今漚麻也

費椒楛以要神兮又勤索彼瓊茅違靈氛而不從兮
反湛身於江臯

言既不從靈氛之占何為費椒楛而勤瓊茅也

纍既佻夫傳說兮奚不信而遂行徒恐鸛鳴之將鳴

楚辭 卷十一
兮。顧。先。百。草。為。不。芳。

化古攀字

言既攀援傳說何不自信其言而遽去徒以鷓鴣

之將鳴為憂而反先百草以就死也

初。纍。棄。彼。處。妃。兮。更。思。瑤。臺。之。逸。女。杼。雄。鳩。以。作。媒。

兮。何。百。離。而。曾。不。壹。耦。

杼音耕反

杼使也

乘。雲。蜺。之。旖。旖。兮。望。昆。侖。以。穆。流。覽。四。荒。而。顧。懷。兮。

奚。必。云。女。彼。高。丘。

旖旎雲貌穆流猶周流也女仕也此女字乃作去

聲讀恐亦非本文意

既。亡。鸞。車。之。幽。藹。兮。焉。駕。八。龍。之。委。蛇。臨。江。蘋。而。掩。

涕。兮。何。有。九。招。與。九。歌。

招與韶同

言原既無鸞車可乘何得云駕八龍也既已就死

湘淵又何有歌舞之樂也此譏騷經之言不實也

夫。聖。哲。之。不。遭。兮。固。時。命。之。所。有。雖。增。欷。以。於。邑。兮。

吾。恐。靈。修。之。不。纍。改。

有叶音以於平聲改叶音已

雄言自古聖哲皆有不遇屈原雖自歎於邑而楚

王終不改寤也

昔仲尼之去魯兮。斐斐遲遲而周邁。終回復於舊都。兮。何必湘淵與濤瀨。

斐往來貌言孔子系戀舊都斐回反覆屈原何獨不懷鄢郢而赴江湖也

溷漁父之舖歎兮。絜沐浴之振衣。棄由聃之所珍兮。

蹠彭咸之所遺。

蹠之亦反

言屈原不慕由聃高縱而遵彭咸遺跡也蹠蹈也

陸時雍曰楊雄反騷一篇與騷切近故即綴之

騷後惜誓以下情體相去遠矣

卷十一

終

楚辭卷十二

惜誓

此篇小序及招隱士俱存朱熹本

惜誓者漢梁太傅賈誼之所作也誼洛陽人漢

文帝聞其名召為博士超遷至大中大夫納用

其言議以任公卿之位絳灌之屬毀誼年少初

學顛欲擅權紛亂諸事於是天子亦疎之以誼

為長沙王太傅三年復召以為梁太傅數問以

得失多欲有所匡建數年梁王騎墮馬死誼自

傷為傅無狀哭泣歲餘亦死死時年三十三矣

史漢於誼傳獨載弔屈原服鳥二賦而無此篇
 故王逸雖謂或云誼作而疑不能明獨洪興祖
 以為其間數語與弔屈原賦詞指畧同意為誼
 作亡疑者今玩其辭實亦瓌異奇偉計非誼莫
 能及故特据洪說而并錄傳中二賦以備一家
 之言云

張煥如曰今
 所次本止錄
 弔屈原賦

惜余年老而日衰兮。歲忽忽而不反。登蒼天而高舉，
 兮。歷衆山而日遠。觀江河之紆曲兮。離四海之霑濡。
 攀北極而一息兮。吸沆瀣以充虛。飛朱鳥使先驅兮。

駕太一之象輿。蒼龍蚺虬於左。驂兮。白虎騁而為右。
 駢建日月為蓋兮。載玉女於後車。馳騫於杳冥之
 中兮。休息虜崑崙之墟。樂窮極而不厭兮。願從容虜
 神明涉丹水而馳騁兮。右大夏之遺風。黃鵠之一舉
 兮。知山川之紆曲。再舉兮。睹天地之圜方。臨中國之
 衆人兮。託回飈虜尚羊。乃至少原之壑兮。赤松王喬
 皆在旁。二子擁瑟而調均兮。余因稱虜清商。澹然而
 自樂兮。吸衆氣而翱翔。念我長生而久僊兮。不如反
 余之故鄉。黃鵠後時而寄處兮。鴟梟羣而制之。神龍

楚園
卷十二
失水而陸居兮爲螻蟻之所裁夫黃鵠神龍猶如此
兮況賢者之逢亂世哉壽冉冉而日衰兮固儻回而
不息俗流從而不止兮衆枉聚而矯直或偷合而苟
進兮或隱居而深藏苦稱量之不審兮同權槩而就
衡或推逶而苟容兮或直言之諤諤傷誠是之不察
兮并紉茅絲目爲索方世俗之幽昏兮眩白黑之美
惡放山淵之龜玉兮相與貴夫礫石梅伯數諫而至
醢兮來革順志而用國悲仁人之盡節兮反爲小人
之所賊比二忠諫而剖心兮箕子被髮而佯狂水背
流而源竭兮木去根而不長非重軀以慮難兮惜傷
身之無功已矣哉獨不見夫鸞鳳之高翔兮乃集太
皇之壑循四極而回周兮見盛德而後下彼聖人之
神德兮遠濁世而自藏使麒麟可得羈而係兮又何
呂異、虜、犬、羊、

楚辭卷十三

弔屈原

賈誼既上治安策天子以爲能任公卿絳灌東
陽侯馮敬之屬心害之乃短於天子曰誼維陽
年少初學專欲擅權紛亂諸事天子疏之不用
其議乃以爲長沙王太傅誼既行聞長沙卑溼
自以壽不得長又以謫去意不自得及渡湘水
爲賦以弔屈原其辭曰

恭承嘉惠兮埃罪長沙
又聞屈原兮自湛汨羅
造託

孫鑪曰文得
騷人之致氣

甚豪蕩詞亦瑰琦第述意

太分明便覺近今

張煥如曰恍

麟特是詛

本色所優弔

屈原賦優於

惜誓以語致

尚蘊藉耳

湘流兮敬弔先生遭世罔極兮迺隕厥身烏虜哀哉
 兮逢時不祥鸞鳳伏竄兮鴟鴞翱翔闕茸尊顯兮讒
 諛得志賢聖逆曳兮方正倒植謂隨夷溷兮謂跖躋
 廉莫邪為鈍兮鉛刀為銛于嗟默默生之亡故兮幹
 棄周鼎寶康瓠兮騰駕罷牛驂蹇驢兮驥垂兩耳服
 鹽車兮章父薦屨漸不可久兮嗟苦先生獨離此咎
 兮諄曰已矣國其莫吾知兮子獨壹鬱其誰語鳳縹
 縹其高逝兮夫固自引而遠去襲九淵之神龍兮沕
 淵潛且自珍。偃蜩蟪以隱處兮夫豈從蝦與蛭蟻所
 貴聖之神德兮遠濁世而自臧使麒麟可係而羈兮
 豈云異夫犬羊般紛紛其離此郵兮亦夫子之辜也
 歷九州而相其君兮何必懷此都也鳳凰翔於千仞
 兮覽德輝而下之見細德之險微兮遙增翮而去之
 彼尋常之汙瀆兮豈容吞舟之魚橫江湖之鱣鯨兮
 固將制於螻蟻

楚辭卷十三 終

屈原

楚辭卷十四

招隱士

招隱士者淮南小山之所作也淮南王安好古
 愛士招致賓客客有八公之徒分造辭賦以類
 相從或稱大山或稱小山如詩之有大小雅焉
 此篇視漢諸作最為高古說者以為亦託意以
 招屈原也

桂樹叢生兮山之幽。偃蹇連蜷兮枝相繚。山氣
 籠從兮石嵯峨。谿谷嶄巖兮水曾波。猿狖羣嘯兮
 虎豹嗥。

孫鑛曰造語
 特精消咄咄
 敲金擊石
 張煥如曰古

與奇俚當屢

漢文第一

又曰悠然興

恚情然傷懷

語短而意長

矣

又曰山中人

道山中景情

致如洗

攀援桂枝兮聊淹留。王孫游兮不歸，萋萋
 歲暮兮不自聊。蟋蟀鳴兮啾啾，塊兮軋山曲，拂心淹
 畱兮洞荒忽，罔兮沕撩兮慄。虎豹岵叢薄，深林兮人
 上慄，嶽嶮崎礧兮硿礧，硿硿樹輪相糺兮。林木茂翫
 青莎，雜樹兮頽少，霍靡白鹿磨麕兮。或騰或倚，狀貌
 嶮嶮兮峨峨，淒淒兮漉漉，獼猴兮熊羆，慕類兮以悲
 攀援桂枝兮聊淹留。虎豹鬪兮熊羆咆，禽獸駭兮亡
 其曹。王孫兮歸來，山中兮不可以久留。

楚辭卷十四 終

楚辭卷十五

七諫 自此至末小序
俱存王逸本

七諫者東方朔之所作也。諫者正也。謂陳法度
 以諫正君也。古者人臣三諫不從，退而待放。屈
 原與楚同姓，無相去之義，故加為七諫，慇懃之
 意，忠厚之節也。或曰七諫者法天子有爭臣七
 人也。東方朔追憫屈原，故作此辭以述其志，所
 以昭忠信，矯曲朝也。

平生於國兮長於原，堊言語訥，認兮又無彊輔淺智。

楚辭 卷十五
編能兮聞見又寡數言便事兮見怨門下王不察其
長利兮卒見棄平原墜伏念思過兮無可改者羣衆
成朋兮上浸以惑巧佞在前兮賢者滅息堯舜聖已
沒兮孰爲忠直高山崔巍兮水流湯湯歿日將至兮
與麋鹿同坑塊鞠兮當道宿舉世皆然兮余將誰告
斥逐鴻鵠兮近習鴟梟斬伐橘柚兮列樹苦桃便娟
之修竹兮寄生乎江潭上歲蕤而防露兮下泠泠而
來風孰知其不合兮若竹栢之異心往者不可及兮
來者不可待悠悠蒼天兮莫我振理竊怨君之不寤
兮吾獨歿而後已

右初放

惟往古之得失兮覽私微之所傷堯舜聖而慈仁兮
後世稱而弗忘齊桓失於專任兮夷吾忠而名彰晉
獻惑於嬖姬兮申生孝而被殃偃王行其仁義兮荆
文寤而徐亡紂暴虐以失位兮周得佐乎呂望修往
古以行恩兮封比干之丘隴賢俊慕而自附兮日浸
淫而合同明法令而修理兮蘭芷幽而有芳苦衆人
之妒予兮箕子寤而佯狂不顧地以貪名兮心怫鬱

而內傷聯蕙芷以爲佩兮。過鮑肆而失香。正臣端其操行兮。反離謗而見攘。世俗更而變化兮。伯夷餓於首陽。獨廉潔而不容兮。叔齊久而逾明。浮雲陳而蔽晦兮。使日月乎無光。忠臣貞而欲諫兮。讒諛毀而在旁。秋草榮其將實兮。微霜下而夜降。商風肅而害生兮。百草育而不長。衆竝諧以妒賢兮。孤聖特而易傷。懷計謀而不見用兮。巖穴處而隱藏。成功隳而不卒兮。子胥歿而不葬。世從俗而變化兮。隨風靡而成行。信直退而毀敗兮。虛僞進而得當。追悔過之無及兮。

豈盡忠而有功。廢制度而不用兮。務行私而去公。終不變而歿節兮。惜年齒之未央。將方舟而下流兮。冀幸君之發矇。痛忠言之逆耳兮。恨申子之沈江。願悉心之所聞兮。遭值君之不聰。不開寤而難道兮。不別橫之與縱。聽奸臣之浮說兮。絕國家之久長。滅規集而不用兮。背繩墨之正方。離憂患而乃寤兮。若縱火於秋蓬。業失之而不救兮。尚何論乎禍凶。彼離畔而朋黨兮。獨行之士其何望。日漸洳而不自知兮。秋毫微哉而變容。衆輕積而折軸兮。原咎雜而累重。赴湘

沅之流澌兮恐逐波而復東。懷沙礫而自沈兮不忍
見君之蔽壅。

右沈江

世沈淖而難論兮俗吟峨而慘嗟。清泠泠而殲滅兮
溷湛湛而日多梟鴟。旣以成羣兮玄鶴弭翼而屏移
蓬艾親入御於牀第兮馬蘭蹠蹕而日加棄捐。葑芷
與杜衡兮余奈世之不知芳何何周道之平易兮然
蕪穢而險戲高陽無故而委塵兮唐虞黜灼而毀議
誰使正其真是兮雖有入師而不可爲皇天保其高

今后土持其久服清白以逍遙兮偏與乎玄英異色
西施媸媸而不得見兮蓼母勃屑而日侍桂蠹不知
所淹畱兮蓼蟲不知徙乎葵菜處潛潛之濁世兮今
安所達乎吾志意有所載而遠逝兮固非衆人之所
識驥躑躅於弊輦兮遇孫陽而得代呂望窮困而不
聊生兮遭周文而舒志寧戚飯牛而商歌兮桓公聞
而弗置路室女之方桑兮孔子過之以自侍吾獨垂
刺而無當兮心悼怵而耄思思比干之併併兮哀子
胥之慎事悲楚人之和氏兮獻寶玉以爲石遇厲武

之不察兮羌兩足以畢斲小人之居勢兮視忠正之
何若改前聖之法度兮喜囁嚅而妄作親讒諛而疏
賢聖兮訟謂閭姬爲醜惡愉近習而蔽遠兮孰知察
其黑白卒不得效其心容兮安眇眇而無所歸薄專
精爽以自明兮晦冥冥而壅蔽年旣已過太半兮然
輜輶而畱滯欲高飛而遠集兮恐離罔而滅敗獨寃
抑而無極兮傷精神而壽天皇天旣不純命兮余生
終無所依願自沈於江流兮絕橫流而徑逝寧爲江
海之泥塗兮安能久見此濁世

右怨世

賢士窮而隱處兮廉方正而不容子胥諫而靡軀兮
比干忠而剖心子推自割而臥君兮德日忘而怨深
行明白而曰黑兮荆棘聚而成林江離棄於窮巷兮
蒺藜蔓乎東廂賢者蔽而不見兮讒諛進而相朋梟
鴟竝進而俱鳴兮鳳皇飛而高翔願壹往而徑逝兮
道壅絕而不通

右怨思

居愁懃其誰告兮獨永思而憂悲內自省而不慙兮

操愈堅而不衰。隱三年而無決。今歲忽忽其若頽憐。
余身不足以卒意。今冀一見而復歸。哀人事之不幸。
兮。屬天命而委之。咸池身被疾而不聞。兮。心沸熱其
若湯。冰炭不可以相並。兮。吾固知乎命之不长。哀獨
苦。死之無樂。兮。惜予年之未央。悲不反余之所居。兮。
恨離予之故鄉。鳥獸驚而失羣。兮。猶高飛而哀鳴。狐
死必首丘。兮。夫人孰能不反其真情。故人疏而日忘。
兮。新人近而俞好。莫能行於昏冥。兮。孰能施於無報。
苦衆人之皆然。兮。乘回風而遠遊。凌恒山其若陋。兮。
聊愉娛以忘憂。悲虛言之無實。兮。苦衆口之鑠金。過
故鄉而一顧。兮。泣歔歔而霑衿。厭白玉以爲面。兮。懷
琬琰以爲心。邪氣入而感內。兮。施玉色而外淫。何青
雲之流瀾。兮。微霜降之蒙蒙。徐風至而徘徊。兮。疾風
過之湯湯。聞南藩樂而欲往。兮。至會稽而且止。見韓
衆而宿之。兮。問天道之所在。借浮雲以送予。兮。載雌
霓而爲旌。駕青龍以馳騫。兮。班衍衍之冥冥。忽容容
其安之。兮。超慌忽其焉如。苦衆人之難信。兮。願離羣
而遠舉。登巒山而遠望。兮。好桂樹之冬榮。觀天火之

炎煬兮聽大壑之波聲引八維以自道兮含沆瀣以
長生居不樂以時思兮食草木之秋實飲菌若之朝
露兮構桂木而爲室雜橘柚以爲囿兮列新夷與椒
楨鷓鶴孤而夜號兮哀居者之誠貞

右自悲

哀時命之不合兮傷楚國之多憂內懷情之潔白兮
遭亂世而離尤惡耿介之直行兮世溷濁而不知何
君臣之相失兮上沅湘而分離測汨羅之湘水兮知
時固而不反傷離散之交亂兮遂側身而旣遠處士
舍之幽門兮穴巖石而窟伏從水蛟而爲徒兮與神
龍乎休息何山石之嶄巖兮靈魂屈而偃蹇含素水
而蒙深兮日眇眇而旣遠哀形體之離解兮神𦉳兩
而無舍惟椒蘭之不反兮魂迷惑而不知路願無過
之設行兮雖滅沒之自樂痛楚國之流亡兮哀靈修
之過到固時俗之溷濁兮志瞖迷而不知路念私門
之正匠兮遙涉江而遠去念女嬃之嬋媛兮涕泣流
乎於悒我決死而不生兮雖重追吾何及戲疾瀨之
素水兮望高山之蹇產哀高丘之赤岸兮遂沒身而

不反

右哀命

怨靈修之浩蕩兮夫何執操之不固悲太山之爲隍
兮孰江河之可涸願承閒而效志兮恐犯忌而干諱
卒撫情以寂寞兮然怙悵而自悲玉與石而同匱兮
貫魚眼與珠璣駑駿雜而不分兮服罷牛而驟驥年
滔滔而日遠兮壽冉冉而俞衰心怵憚而煩寃兮蹇
超搖而無翼固時俗之工巧兮滅規渠而改錯却騏
驥而不乘兮策駑駘而取路當世豈無騏驥兮誠無
王良之善馭見執轡者非其人兮故駒跳而遠去不
量鑿而正柄兮恐桀矍之不同不論世而高舉兮恐
操行之不調弧弓弛而不張兮孰云知其所至無傾
危之患難兮焉知賢士之所歿俗推佞而進富兮節
行張而不著賢良蔽而不羣兮朋曹比而黨譽邪枉
說飾而多曲兮正法弧而不公直士隱而辟匿兮讒
諛登乎明堂棄彭咸之娛樂兮滅巧倖之繩墨菀路
雜於廢蒸兮機蓬矢以射革駕蹇驢而無策兮又何
路之能極以直鍼而爲釣兮又何魚之能得伯牙之

絕茲兮無鍾子期而聽之和抱璞而泣血兮安得良
工而剖之同音者相和兮同類者相似飛鳥號其羣
兮鹿鳴求其友故叩宮而宮應兮彈角而角動虎嘯
而谷風至兮龍舉而景雲往音聲之相和兮言物類
之相感也夫方圓之異形兮孰不可以相錯列子隱
身而窮處兮世莫可以寄託衆鳥皆有行列兮鳳獨
翱翔而無所薄經濁世而不得志兮願側身巖穴而
自託欲闔口而無言兮嘗被君之厚德獨便情而懷
毒兮愁鬱鬱之焉極念三年之積思兮願一見而陳
詞不及君而騁說兮世孰可爲明之身寢疾而日愁
兮情沉抑而不揚衆人莫可與論道兮悲精神之不
通

右謬諫

亂曰鸞皇孔鳳日以遠兮畜鳧鴛鴦滿堂壇兮
鼃鼃游乎華池要裹奔亡兮騰駕橐駝鈐刀進御兮
遙棄太阿拔搴玄芝兮列樹芋荷橘柚萎枯兮苦李
旖旎甌甌登於明堂兮周鼎潛乎深淵自古而固然
兮吾又何怨乎今之人

楚辭卷十五 終

楚辭卷十六

哀時命

哀時命者嚴夫子之所作也夫子名忌與司馬相如俱好辭賦客遊於梁梁孝王甚奇重之忌哀屈原受性忠貞不遭明君而遇暗世斐然作辭歎而述之故曰哀時命也

哀時命之不及古人兮夫何予生之不遘時往者不可扳援兮來者不可與期志憾恨而不逞兮杼中情而屬詩夜炯炯而不寐兮懷隱憂而歷茲心鬱鬱而

楚辭 卷十六
無告兮衆孰可與深謀。歛愁悴而委惰兮。老冉冉而
逮之。居處愁以隱約兮。志沈抑而不揚。道壅塞而不
通兮。江河廣而無梁。願至崑崙之懸圃兮。采鍾山之
玉英。擘瑤木之榘枝兮。望閬風之板桐。弱水汨其爲
難兮。路中斷而不通。執不能凌波以徑度兮。又無羽
翼而高翔。然隱憫而不達兮。獨徙倚而彷徨。悵惆罔
已永思兮。心紆軫而增傷。倚躊躇以淹畱兮。日饑饉
而絕糧。廓抱景而獨倚兮。超永思乎故鄉。廓落寂而
無友兮。誰可與玩此遺芳。白日晡晚其將入兮。哀余

壽之弗將。車旣弊而馬罷兮。蹇遑徊而不能行。身旣
不容於濁世兮。不知進退之宜常。冠崔嵬而切雲兮。
劍淋離而從橫。衣攝葉以儲與兮。左祛挂於樽桑。右
衽拂於不周兮。六合不足以肆行。上同鑿枘於伏戲
兮。下合矩矱於虞唐。願尊節而式高兮。志猶卑夫禹
湯。雖知困其不改操兮。終不以邪枉害方世。竝舉而
好朋兮。壹斗斛而相量。衆比周以肩迫兮。賢者遠而
隱藏。爲鳳皇作鶉籠兮。雖翕翅其不容。靈皇其不寤
知兮。焉陳詞而効忠。俗嫉妬而蔽賢兮。孰知余之從

容願舒志而抽馮兮庸詎知其吉凶璋珪雜於甌窶
兮隴廉與孟姬同宮舉世以爲恒俗兮固將愁苦而
終窮幽獨轉而不寐兮惟煩懣而盈匈覓眇眇而馳
騁兮心煩寃之懣懣志欲憾而不懹兮路幽昧而甚
難塊獨守此曲隅兮然欲切而永歎愁修夜而宛轉
兮氣涓灑其若波握劓劓而不用兮操規槩而無所
施騁騏驥於中庭兮焉能極夫遠道置犖犢于櫺檻
兮夫何以責其捷巧駟跛鼈而上山兮吾固知其不
能陞釋管晏而任臧獲兮何權衡之能稱篋籛雜於

嚴蒸兮機蓬矢以歟革負擔荷以丈尺兮欲伸要而
不可得外迫脅於機臂兮上牽聯於矰維肩傾側而
不容兮固陜腹而不得息務光自投於深淵兮不獲
世之塵垢孰魁摧之可久兮願退身而窮處鑿山楹
而爲室兮下被衣於水渚霧露濛濛其晨降兮雲依
斐而承宇虹霓紛其朝霞兮夕淫淫而淋雨怱茫茫
而無歸兮悵遠望此曠野下垂釣於谿谷兮上要求
於僊者與赤松而結友兮比王儁而爲耦使臯楊先
導兮白虎爲之前後浮雲霧而入冥兮騎白鹿而容

與龜跼跼以寄獨兮汨徂往而不歸處卓卓而日遠
兮志浩蕩而傷懷鸞鳳翔於蒼雲兮故矰繳而不能
加蛟龍潛於旋淵兮身不挂於罔羅知貪餌而近死
兮不如下游乎清波寧幽隱以遠禍兮孰侵辱之可
爲子胥歿而成義兮屈原沈於汨羅雖體解其不變
兮豈忠信之可化志怛怛而內直兮履繩墨而不頗
執權衡而無私兮稱輕重而不差概塵垢之枉穰兮
除穢累而反真形體白而質素兮中皎潔而淑清時
猷既而不用兮且隱伏而遠身聊窺端而匿迹兮嘆
寂默而無聲獨便愒而煩毒兮焉發憤而抒情時蹇
蹇其將罷兮遂悶歎而無名伯夷歿於首陽兮卒天
隱而不榮太公不遇文王兮身至死而不得逞懷瑤
象而佩瓊兮願陳列而無正生天墜之若過兮忽爛
漫而無成邪氣襲余之形體兮疾憊怛而萌生願壹
見陽春之白日兮恐不終乎永年

楚辭卷十七

九懷

九懷者諫議大夫王褒之所作也懷者思也言
屈原雖見放逐猶思念其君憂國傾危而不能
忘也褒讀屈原之文嘉其溫雅藻采敷衍執握
金玉委之污瀆遭世溷濁莫之能識追而愍之
故作九懷以禪其詞史官錄第遂列于篇

極運兮不中來將屈兮困窮余深愍兮慘怛願一列
兮無從乘日月兮上征顧遊心兮鄙鄙彌覽兮九隅

楚辭 卷十一
彷徨兮蘭宮芷閭兮葯房奮搖兮衆芳菌閣兮蕙樓
觀道兮從橫寶金兮委積美玉兮盈堂桂水兮潺湲
揚流兮洋洋著蔡兮踴躍孔鶴兮回翔撫檻兮遠望
念君兮不忘怫鬱兮莫陳永懷兮內傷

右匡機

天門兮墜戶孰由兮賢者無正兮溷廁懷德兮何覩
假寐兮愍斯誰可與兮寤語痛鳳兮遠逝畜鷓兮近
處鯨鱓兮幽潛從蝦兮遊階乘虬兮登陽載象兮上
行朝發兮蔥嶺夕至兮明光北飲兮飛泉南采兮芝

英宣遊兮列宿順極兮彷徨紅采兮駢衣翠縹兮爲
裳舒佩兮絢纒竦余劒兮干將騰蛇兮後從飛駟兮
步旁微觀兮玄圃覽察兮瑤光啓匱兮探筴悲命兮
相當紉蕙兮永詞將離兮所思浮雲兮容與道余兮
何之遠望兮什眠聞雷兮闐闐陰憂兮感余惆悵兮
自怜

右通路

林不容兮鳴蜩余何畱兮中州陶嘉月兮總駕攀玉
英兮自修結榮蒞兮透逝將去烝兮遠遊徑岱土兮

魏闕歷九曲兮牽牛聊假日兮相佯遺光燿兮周流
望太一兮淹息紆余轡兮自休晞白日兮皎皎彌遠
路兮悠悠顧列宇兮縹縹觀幽雲兮陳浮鉅寶遷兮
殫礪雉咸雒兮相求泱莽莽兮究志懼吾心兮憐憐
步余馬兮飛柱覽可與兮匹儔卒莫有兮纖介永余
思兮怵怵

右危俊

世溷兮冥昏違君兮歸真乘龍兮偃蹇高回翔兮上
臻襲英衣兮緹縉披華裳兮芳芬登羊角兮扶輿浮
雲漠兮自娛握神精兮雍容與神人兮相胥流星墜
兮成雨進隣盼兮上丘墟覽舊邦兮滄鬱余安能兮
久居志懷逝兮心慟慄紆余轡兮躊躇聞素女兮微
歌聽王后兮吹竽魂悽愴兮感哀腸回回兮盤紆撫
余佩兮繽紛高太息兮自憐使祝融兮先行令昭明
兮開門馳六蛟兮上征竦余駕兮入冥歷九州兮索
合誰可與兮終生忽反顧兮西園覩軫丘兮崎傾橫
垂涕兮泣流悲余后兮失靈

右昭世

楚辭 卷十七
季春兮陽陽列草兮成行余悲兮蘭生委積兮從橫
江離兮遺捐辛夷兮擠臧伊思兮往古亦多兮遭殃
伍胥兮浮江屈子兮沈湘運余兮念茲心內兮懷傷
望淮兮沛沛濱流兮則逝榜舫兮下流東注兮磕磕
蛟龍兮導引文魚兮上瀨抽蒲兮陳坐援芙蓉兮爲
蓋水躍兮余旌繼以兮微蔡雲旗兮電驚儵忽兮容
喬河伯兮開門迎余兮歡欣顧念兮舊都懷恨兮艱
難竊哀兮浮萍汎淫兮無根

右尊嘉

秋風兮蕭蕭舒芳兮振條微霜兮眇眇病死兮鳴蜩
玄鳥兮辭歸飛翔兮靈丘望谿兮滄鬱熊羆兮咆哮
唐虞兮不存何故兮久畱臨淵兮汪洋顧林兮忽荒
修余兮袿衣騎霓兮南上棗雲兮回回壘壘兮自強
將息兮蘭皋失志兮悠悠蕪蘊兮蘅鯨思君兮無聊
身去兮意存愴恨兮懷愁

右蓄英

登九靈兮遊神靜女歌兮微晨悲皇丘兮積葛衆體
錯兮交紛貞枝抑兮枯槁枉車登兮慶雲感余志兮

卷一
卷十一
慘慄心愴愴兮自憐駕玄螭兮北征曩吾路兮蔥嶺
連五宿兮建旄揚氛氣兮爲旌歷廣漠兮馳騫覽中
國兮冥冥玄武步兮水母與吾期兮南榮登華蓋兮
乘陽聊逍遙兮播光抽庫婁兮酌醴援臄瓜兮接糧
畢休息兮遠逝發玉軻兮西行惟時俗兮疾正弗可
久兮此方寤辟標兮永思心怫鬱兮內傷

右思忠

覽杳杳兮世惟余惆悵兮何歸傷時俗兮溷亂將奮
翼兮高飛駕八龍兮連蜷建虹旌兮威夷觀中宇兮

浩浩紛翼翼兮上躋浮瀨水兮舒光淹低徊兮京漚
屯余車兮索友覩皇公兮問師道莫遺兮歸真羨余
術兮可夷吾乃逝兮南娛道幽路兮九疑越炎火兮
萬里過萬首兮嶢嶢濟江海兮蟬蛻絕北梁兮永辭
浮雲鬱兮晝昏霾土忽兮塵塵息陽城兮廣夏衰色
罔兮中怠意曉陽兮燎寤乃息軫兮存茲思堯舜兮
襲典幸咎繇兮獲謀悲九州兮靡君撫軾歎兮作詩

右陶雍

悲哉于嗟兮心內切嗟歎冬而生兮凋彼葉柯瓦礫

進寶兮捐棄隨和鉛刀厲御兮頓棄太阿驥垂兩耳
兮中坂蹉跎蹇驢服駕兮無用日多修潔處幽兮貴
寵沙刷鳳皇不翔兮鶉鷄飛揚乘虹驂蜺兮載雲變
化鷓鴣開路兮後屬青蛇步驟桂林兮超躡卷阿丘
陵翔儻兮谿谷悲歌神章靈篇兮赴曲相和余私娛
茲兮孰哉復加還顧世俗兮壞敗罔羅卷佩將逝兮
涕流滂沱

右株昭

亂曰皇門開兮照下土株穢除兮蘭芷覩四佞放兮
後得禹聖舜攝兮昭堯緒孰能共石兮願爲輔

楚辭卷十八

九歎

九歎者護左都水使者光祿大夫劉向之所作也向以博古敏達典校經書辯章舊文追念屈原忠信之節故作九歎歎者傷也息也言屈原放在山澤猶傷念君歎息無已所謂讚賢以輔志騁詞以曜德者也

伊伯庸之末胄兮諒皇直之屈原云余肇祖於高陽兮惟楚懷之嬋連原生受命于真節兮鴻永路有嘉

名齊名字於天地兮並光明於列星吸精粹而吐氛
濁兮橫邪世而不取容行叩誠而不阿兮遂見排而
逢讒后聽虛而黜實兮不吾理而順情腸憤悁而含
怒兮志遷蹇而左傾心懍慌而不我與兮躬速速而
不吾親辭靈修而隕意兮吟澤畔之江濱椒桂羅呂
顛覆兮有竭信而歸誠讒夫藹藹而曼著兮曷其不
舒予情始結言於廟堂兮信中塗而叛之懷蘭蕙與
蘼芷兮行中壑而散之聲哀哀而懷高丘兮心愁愁
而思舊邦願承間而自恃兮徑淫暄而道塵顏黻黻

以沮敗兮精越裂而衰老裳襜褕而含風兮衣納納
而掩露赴江湘之湍流兮順波湊而下降徐徘徊於
山阿兮飄風來之洶洶馳余車兮玄石步余馬兮洞
庭平明發兮蒼梧夕投宿兮石城芙蓉蓋而葳華車
兮紫貝闕而玉堂薜荔飾而陸離薦兮魚鱗衣而白
蜺裳登逢龍而下隕兮違故都之漫漫思南郢之舊
俗兮腸一夕而九運揚流波之潢潢兮體溶溶而東
回心怊悵以永思兮意晻晻而自頽白露紛紛以塗
塗兮秋風瀏瀏以蕭蕭身永流而不還兮魂長逝而

常愁

歎曰譬彼流水紛揚磔兮波逢洶涌紛滂沛兮掄揚
滌盪漂流隕往觸岑石兮龍邛將圈繚戾宛轉阻相
薄兮遭紛逢凶蹇離尤兮墜文揚采遺將來兮

右逢紛

靈懷其不吾知兮靈懷其不吾聞就靈懷之皇祖兮
愬靈懷之鬼神靈懷曾不吾知兮卽聽夫讒人之諛
辭余辭上參於天墜兮旁引之於四時指日月使延
照兮撫招搖巨質正立師曠俾端詞兮命咎繇使並

聽兆出名曰正則兮卦發字曰靈均余幼旣有此鴻
節兮長愈固而彌純不從俗而諛行兮直躬指而信
志不枉繩以追曲兮屈情素以從事端余行其如玉
兮述皇輿之踵跡羣阿容以晦光兮皇輿覆以幽辟
輿中塗以回畔兮駟馬驚而橫犇執組者不能制兮
必折軛而摧轅斷鑣銜曰馳驚兮暮去次而敢止路
蕩蕩其無人兮遂不禦乎千里身衡陷而下涉兮不
可獲而復登不顧身之卑賤兮惜皇輿之不興出國
門而端指兮方冀壹寤而錫還哀僕夫之坎毒兮屢

離憂而逢患九年之中不吾反兮思彭咸之水遊惜
師延之浮渚兮赴汨羅之長流遵曲江之逶移兮觸
石碕而衡遊波澧澧而揚澆兮順長瀨之濁流凌黃
沱而下低兮思還流而復反玄輿馳而竝集兮身容
與而日遠權舟杭以橫瀕兮澄湘流而南極立江界
而長吟兮愁哀哀而累息情慌忽以忘歸兮神浮遊
以高厲志蚤蚤而懷顧兮魂眷眷而獨逝

歎曰余思舊邦心依違兮日暮黃昏嗟幽悲兮去郢
東遷余誰慕兮讒夫黨旅其呂茲故兮河水淫淫情
所願兮顧瞻郢路終不返兮

右靈懷

惟鬱鬱之憂毒兮志坎壈而不違身憔悴而考且兮
日黃昏而長悲閔空宇之孤子兮哀枯楊之寃雛孤
雌吟於高墉兮鳴鳩棲於桑榆玄蟻失於潛林兮獨
偏棄而遠放征夫勞於周行兮處婦憤而長望申誠
信而罔違兮情素潔於紉帛光明齊於日月兮文采
耀於玉石傷壓次而不發兮思沈抑而不揚芳懿懿
而終敗兮名糜散而不彰背玉門以犇驚兮蹇離尤

而干詬若龍逢之沈首兮王子比干之逢醢念社稷
之幾危兮反爲讐而見怨思國家之離沮兮躬獲愆
而結難若青蠅之僞質兮晉驪姬之反情恐登階之
逢殆兮故退伏於末庭孽子之號咷兮本朝蕪而不
治犯顏色而觸諫兮反蒙辜而被疑苑蘼蕪與茵若
兮漸藁本於滂瀆淹芳芷於腐井兮棄雞駭於筐籠
執棠谿曰荆蓬兮秉干將曰割肉筐澤瀉曰豹鞞兮
破荆和曰繼築時溷濁猶未清兮世殺亂猶未察欲
容與曰埃時兮懼年歲之旣晏顧屈節以從流兮心
聳鞏而不夷寧浮沅而馳騁兮下江湖曰遭廻

歎曰山中檻檻余傷懷兮征夫皇皇其孰依兮經營
原野杳冥冥兮乘騏驎舒吾情兮歸骸舊邦莫誰
語兮長辭遠逝乘湘去兮

右離世

志隱隱而鬱怫兮愁獨哀而寃結腸紛紜曰繚轉兮
涕漸漸其若屑情慨慨而長懷兮信上皇而質正合
五嶽與八靈兮訊九魁與六神指列宿曰白情兮訴
五帝曰置詞北斗爲我質中兮太一爲余聽之云服

陰陽之正道兮御后土之中和佩蒼龍之蚴虬兮帶
隱虹之透虵曳彗星之皓盱兮撫朱爵與鷄鷄遊清
霧之颯戾兮服雲衣之披披杖玉策與朱旗兮墜明
月之玄珠舉霓旌之帶翳兮建黃昏之總旄躬純粹
而罔愆兮承皇考之妙儀惜往事之不合兮橫汨羅
而下厲棗隆波而南度兮逐江湖之順流赴陽侯之
潢洋兮下右瀨而登洲陸魁堆兮蔽視兮雲冥冥而
闇前山峻高兮無垠兮遂會閔而迫身雪雰雰而薄
木兮雲霏霏而隕集阜隘狹而幽險兮石嶮嵯兮翳
日悲故鄉而發忿兮去余邦之彌久背龍門而入河
兮登大墳而望夏首橫舟航而溼湘兮耳聊嗽而憺
慌波淫淫而周流兮鴻溶溢而滔蕩路曼曼其無端
兮周容容而無識引日月兮指極兮少須臾而釋思
水波遠兮冥冥兮眇不睹其東西順風波兮南北兮
霧宵晦兮紛闇日杳杳以西頽兮路長遠而窘迫欲
酌醴兮娛意兮蹇騷騷而不釋

歎曰飄風蓬龍埃拂拂兮少木搖落時槁悴兮遭傾
遇禍不可救兮長吟永歎涕煢煢兮舒情嗽詩冀已

自免兮頽流下逝身日已遠兮

右怨思

悲余性之不可改兮屢懲艾而不返服覺酷已殊俗
兮貌揭揭已巍巍譬若王僑之乘雲兮載赤霄而凌
太清欲與天地參壽兮與日月而比榮登崑崙而北
首兮悉靈囿而來謁選鬼神於太陰兮登閭闔於玄
闕回朕車俾西引兮褰虹旗於玉門馳六龍於三危
兮朝四靈於九濱結余軫於西山兮橫飛谷已南征
絕都廣以直指兮歷祝融於朱冥枉玉衡於炎火兮

委兩館於咸唐貫瀕濛已東竭兮維六龍於扶桑周
流覽於四海兮志升降已高馳徵九神於回極兮建
虹采已招指駕鸞凰已上遊兮從玄鶴與鷓朋孔鳥
飛而送迎兮騰羣鶴於瑤光排帝宮與羅囿兮升縣
圃已眩滅結瓊枝已雜佩兮立長庚已繼日凌驚雷
已軼駭電兮綴鬼谷於北辰鞭風伯使先驅兮囚靈
玄於虞淵愬高風已徘徊兮覽周流於朔方就顛頊
而噉詞兮考玄冥於空乘旋車逝於崇山兮奏虞舜
於蒼梧灑楊舟於會稽兮就申胥於五湖見南郢之

流風兮殞余躬於沅湘望舊邦之黯黯兮時溷濁猶
 未央懷蘭茝之芬芳兮妬被離而折之張絳帷呂澹
 澹兮風邑邑而蔽之日暎暎其西舍兮陽炎炎而復
 顧聊假日且須臾兮何騷騷而自故

歎曰譬彼蛟龍乘雲浮兮汎淫頽溶紛若霧兮潺湲
 轆轤雷動電發馭高舉兮升虛凌冥沛濁浮清入帝
 宮兮搖翹奮羽馳風騁雨遊無窮兮

右遠逝

覽屈氏之離騷兮心哀哀而怫鬱聲嗷嗷以寂寥兮

顧僕夫之憔悴撥諂諛而匡邪兮切澳澌之流俗盪
 澗淩之姦咎兮夷蠢蠢之溷濁懷芬香而挾蕙兮佩
 江蘺之菲菲握申椒與杜若兮冠浮雲之峨峨登長
 陵而四望兮覽芷圃之蠶蠶遊蘭皋與蕙林兮睨玉
 石之嶮嵯揚精華且眩耀兮芳鬱渥而純美結桂樹
 之旖旎兮紉荃蕙與辛夷芳若茲而不御兮捐林薄
 而蕤歿驅子僑之犇走兮申徒狄之赴淵若夷由之
 純美兮介子推之隱山晉申生之離殃兮荆和氏之
 泣血吳子胥之抉眼兮王子比干之橫廢欲卑身而

下體兮心隱惻而不置方園殊而不合兮鉤繩用而
異態欲埃時於須臾兮日陰曠其將暮時遲遲其日
進今年忽忽而日度妄周容而入世兮內距閉而不
開埃時風之清激兮愈氛霧其如塵進雄鳩之耿耿
兮讒紛紛而蔽之默順風兮偃仰兮尚由由而進之
心憤恨兮寃結兮情舛錯兮曼憂蹇薜荔於山野兮
采撚枝於中州望高丘而歎涕兮悲吸吸而長懷孰
契契而委棟兮日晡晡而下頤

歎曰油油江湘長流汨兮挑揄揚波盪迅疾兮憂心
展轉愁怫鬱兮寃結未舒長隱忿兮丁時逢殃孰可
奈何兮勞心悄悄涕滂沱兮

右惜賢

悲余心之悄悄兮哀故邦之逢殃辭九年而不復兮
獨熒熒而南行思余俗之流風兮心紛錯而不受遵
埜莽兮呼風兮步從容於山藪巡陸夷之曲衍兮幽
空虛以寂寞倚石巖兮流涕兮憂憔悴而無樂登巘
岈兮長企兮望南郢而闕之山修遠其遼遼兮塗漫
漫其無時聽玄鶴之晨鳴兮于高岡之峨峨獨憤積

而哀娛兮翔江洲而安歌三鳥飛飛以自南兮覽其
志而欲北願寄言於三鳥兮去飄疾而不可得欲遷
志而改操兮心紛結而未離外彷徨而遊覽兮內惻
隱而含哀聊須臾以時忘兮心漸漸其煩錯願假簧
以舒憂兮志紆鬱其難釋歎離騷以揚意兮猶未殫
於九章長嘘吸以於悒兮涕橫集而成行傷明珠之
赴泥兮魚眼璣之堅藏同鴛羸與粲駟兮雜班駁與
闐茸葛藟蘩於桂樹兮鷓鴣集於木蘭偃促談於廊
廟兮律魁放乎山間惡虞氏之簫韶兮好遺風之激
楚潛周鼎於江淮兮纍土鶩於中宇且人心之有舊
兮而不可保長。遭彼南道兮以征夫宵行。思念郢路
兮還顧睠睠涕流交集兮泣下漣漣

歎曰登山長望中心悲兮苑彼青青泣如頽兮留思
北顧涕漸漸兮折銳摧矜凝汜濫兮念我熒熒魂誰
求兮僕夫慌悴散若流兮

右憂苦

昔皇考之嘉志兮喜登能而亮賢情純潔而罔蕨兮
姿盛質而無佞放佞人與諂諛兮斥讒夫與便嬖親

忠正之悃誠兮招貞良與明智心溶溶其不可量兮
情澹澹其若淵回邪辟而不能入兮誠願藏而不可
遷逐下袂於後堂兮迎密妃於伊雒荆讒賊於中窟
兮選呂管於榛薄叢林之下無怨士兮江河之畔無
隱夫三苗之徒以放逐兮伊臯之倫以克廬今反表
以爲裏兮顛裳以爲衣戚宋萬於兩楹兮廢周邵於
遐夷却騏驥以轉運兮騰驢羸以馳逐蔡女黜而出
帷兮戎婦入而綵繡服慶忌囚於阱室兮陳不占戰
而赴圍破伯牙之號鍾兮挾人箏而彈緯藏璿石於
金匱兮捐赤瑾於中庭韓信蒙於介冑兮行夫將而
攻城莞芎棄於澤洲兮胞蠶蠹於筐籠麒麟奔於九
臯兮熊羆羣而逸囿折芳枝與璫華兮樹枳棘與薪
柴掘荃蕙與射干兮耘藜藿與蘘荷惜今世其何殊
兮遠近思而不同或沉淪其無所達兮或清激其無
所通哀余生之不當兮獨蒙毒而逢尤雖蹇蹇以申
志兮君乖差而屏之誠惜芳之菲菲兮反以茲爲腐
也懷椒聊之藹藹兮乃逢紛以罹詬
歎曰嘉皇旣歿終不返兮山中幽險郢路遠兮讒人

楚辭 卷一
譏譏孰可愬兮征夫罔極誰可語兮行險累歎聲喟
喟兮懷憂含戚何侘傺兮

右愍命

冥冥深林兮樹木鬱鬱山參差以嶮巖兮阜杳杳以
蔽日悲余心之悄悄兮目眇眇而遺泣風騷屑以搖
木兮雲吸吸以湫戾悲余生之無歡兮愁倥偬於山
陸且徘徊於長阪兮夕彷徨而獨宿髮披披以鬢鬢
兮躬劬勞而瘡悴蒐侏侏而南行兮泣霑襟而濡袂
心嬋媛而無告兮口噤閉而不言違郢都之舊閭兮

回湘沅而遠遷念余邦之橫陷兮宗鬼神之無次閔
先嗣之中絕兮心惶惑而自悲聊浮遊於山陬兮步
周流於江畔臨深水而長嘯兮且倘佯而汜觀興離
騷之微文兮冀靈修之壹悟還余車於南郢兮復往
軌於初古道修遠其難遷兮傷余心之不能已昔三
五之典刑兮絕洪範之辟紀播規榘以背度兮錯權
衡而任意操繩墨而放棄兮傾容幸而侍側甘棠枯
於豐草兮藜棘樹於中庭西施斥於北宮兮此惟倚
於彌楹烏獲戚而驂乘兮蕪公操於馬圉蒯瞶登於

清府兮咎繇棄於桀外蓋見茲以永歎兮欲登階而
狐疑棄白水而高驚兮因徙弛而長詞

歎曰倘佯墟阪沼水深兮容與漢渚涕淫淫兮鍾牙
已歿誰爲聲兮織阿不遇焉舒情兮曾哀悽欷心離
離兮還顧高丘泣如灑兮

右思古

楚辭卷十八

終

楚辭卷十九

九思

九思者王逸之所作也自屈原終沒之後忠臣
介士遊覽學者讀離騷九章之文莫不愴然心
爲悲感高其節行妙其麗雅至劉向王褒之徒
咸嘉其義作賦騁辭以讚其志則皆列於譜錄
世世相傳逸與屈原同土共國悼傷之情與凡
有異竊慕向褒之風作頌一篇號曰九思以裨
其辭未有解說故聊訓誼焉辭曰

悲兮愁哀兮憂天生我兮當閭時被詠譖兮虛獲尤
心煩憤兮意無聊嚴載駕兮出戲遊周八極兮歷九州
求軒轅兮索重華世既卓兮遠眇眇握佩玖兮中路
踖羨臯繇兮建典謨懿風后兮受瑞圖愍余命兮遭
六極委王質兮於泥塗遽倅遑兮驅林澤步屏營兮
行丘阿車軌折兮馬虺頽憊悵立兮涕滂沲思丁文
兮聖明哲哀平差兮迷謬愚呂傅舉兮殷周興忌
齷專兮郢吳虛仰長歎兮氣箇結悒殞絕兮活復蘇
虎兕爭兮於廷中豺狼鬪兮我之隅雲霧會兮日冥
聯飄風起兮揚塵埃走鬯堂兮作東西欲竄伏兮其
焉如念靈閨兮奧重深輒願竭節兮隔無由望舊邦
兮路委隨憂心情兮志勤劬菟煒煒兮不遑寐日眩
眩兮寤終朝

右逢尤

令尹兮謦謦羣司兮譏譏哀哉兮澠澠上下兮同流
菽藟兮蔓衍芳薺兮挫枯朱紫兮雜亂曾莫兮別諸
倚此兮巖穴永思兮窈悠嗟懷兮眩惑用志兮不昭
將喪兮玉斗遺失兮鈕樞我心兮煎熬惟是兮用憂

集慕兮九旬退顧兮彭務擬斯兮二蹤未知兮所投
謠吟兮中壘上察兮璇璣大火兮西睨攝提兮運低
雷霆兮碾礧電霰兮霏霏奔電兮光是涼風兮愴悽
鳥獸兮驚駭相從兮宿棲鴛鴦兮嗷嗷狐狸兮微微
哀吾兮介特獨處兮罔依螻蛄兮鳴東蠹蠹兮號西
載緣兮我裳蠲入兮我懷蟲豸兮夾余惆悵兮自悲
佇立兮初怛心結緝兮折摧

右怨上

周徘徊兮漢渚求水神兮靈女嗟此國兮無良謀女
訕兮譴謔鵙雀列兮譁讙鵠鶴鳴兮聒余抱昭華兮
寶璋欲銜鬻兮莫取言逝邁兮北徂叫我友兮配耦
日陰曠兮未光閔眇霏兮靡睹紛載驅兮高馳將諮
詢兮皇羲遵河臯兮周流路變易兮時垂瀾滄海兮
東遊沐盥浴兮天池訪太昊兮道要云靡貴兮仁義
志欣樂兮反征就周文兮邠岐秉玉英兮結誓日欲
暮兮心悲惟天祿兮不再背我信兮自違踰隴堆兮
渡漠過桂車兮合黎赴崑山兮馬驟從邛遨兮棲遲
吮玉液兮止渴齧芝華兮療饑居嶮廓兮眇疇遠梁

昌兮幾迷望江漢兮濩湑心緊察兮傷懷時臄臄兮
且且塵漠漠兮未晞憂不暇兮寢食吒增歎兮如雷

右疾世

哀世兮睒睒譏譏兮嗑嗑衆多兮阿媚骯靡兮成俗
貪枉兮黨比貞良兮莞獨鵠竄兮枳棘鷓集兮帷幄
薊紫兮青葱橐本兮萎落覩斯兮僞惑心爲兮隔錯
逡巡兮圃藪率彼兮畛陌川谷兮淵淵山岳兮磳磳
叢林兮嶮嶮林榛兮岳岳霜雪兮漼漼冰凍兮洛澤
東西兮南北罔所兮歸薄庇廕兮枯樹匍匐兮巖石

蹉跎兮寒局數獨處兮志不申年齒盡兮命迫促魁
纍擠摧兮常困辱含憂強老兮愁無樂鬚髮蔓頓兮
顛鬢白思靈澤兮一膏沐懷蘭英兮把瓊若待天明
兮立躑躅雲濛濛兮電儵爍孤鷓驚兮嗚响响思怫
鬱兮肝切割忿悒悒兮孰訴告

右憫上

悼屈子兮遭厄沈玉躬兮湘汨何楚國兮難化迄乎
今兮不易士莫志兮羔裘競佞諛兮讒閹闖指正義
兮爲曲訛璧玉兮爲石鷓鷯遊兮華屋鷓鷯棲兮柴

楚辭 卷十九
族起奮迅兮奔走違羣小兮謏詢載青雲兮上昇適
昭明兮所處躡天衢兮長驅踵九陽兮戲蕩越雲漢
兮南濟秣余馬兮河鼓霄霓紛兮掩翳參辰回兮顛
倒逢流星兮問路顧指我兮從左倥姬觜兮直馳御
者迷兮失軌遂踴達兮邪造與日月兮殊道志闕絕
兮安如哀所求兮不耦攀天階兮下視見鄢郢兮舊
宇意逍遙兮欲歸衆穢盛兮杳杳思哽噎兮詰訕涕
流瀾兮如雨

右遭厄

嗟嗟兮悲夫殺亂兮紛挐茅絲兮同縶冠屨兮共絢
督萬兮侍宴周邵兮負芻白龍兮見歟靈龜兮執拘
仲尼兮困厄鄒衍兮幽囚伊余兮念茲奔遁兮隱居
將升兮高山上兮有兮猴猿欲入兮深谷下有兮虺蛇
左見兮鳴鴟右睹兮呼梟惶悸兮失氣踴躍兮距跳
便旋兮中原仰天兮增歎菅蒯兮塋莽藿葦兮千眠
鹿蹊兮躑躑羆貉兮蟬蟬鷓鴣兮軒軒鶉鷄兮甄甄
哀我兮寡獨靡有兮匹倫意欲兮沈吟迫日兮黃昏
玄鶴兮高飛增逝兮青冥鷓鴣兮喈喈山鵲兮嚶嚶

鴻鷗兮振翅歸鴈兮于征吾志兮覺悟懷我兮聖京
垂屣兮將起跣埃兮須明

右悼亂

惟昊天兮昭靈陽氣發兮清明風習習兮蘇煖百草
萌兮華榮董荼茂兮敷疏蘅芷彫兮瑩熈愍貞良兮
遇害將天折兮碎糜時混混兮澆饋哀當世兮莫知
覽往昔兮俊彥亦詘辱兮係纒管束縛兮桎梏百賀
易兮傳賣遭相繆兮識舉才德用兮列施且從容兮
自慰玩琴書兮遊戲迫中國兮迕陜吾欲之兮九夷

超五嶺兮嵯峨觀浮石兮崔嵬陟丹山兮炎野屯余
車兮黃支就祝融兮稽疑嘉毛行兮無爲乃回謁兮
北逝遇神媯兮宴娛欲靜居兮自娛心愁感兮不能
放余轡兮策駟忽風騰兮雲浮蹠飛杭兮越海從安
期兮蓬萊緣天梯兮北上登太一兮玉臺使素女兮
鼓簧乘戈蘇兮謳謠聲噉詭兮清和音晏衍兮要媯
咸欣欣兮酣樂余眷眷兮獨悲顧章華兮太息志戀
戀兮依依

右傷時

旻天兮清涼玄氣兮高朗北風兮潦烈草木兮蒼唐
蚺蚺兮噍噍唧蛆兮穰穰歲忽忽兮惟暮余感時兮
悽愴傷俗兮泥濁矇蔽兮不章寶彼兮沙礫捐此兮
夜光椒瑛兮湮汗菘耳兮充房攝衣兮緩帶操我兮
墨陽昇車兮命僕將馳兮四荒下堂兮見藁出門兮
觸蠹巷有兮蚰蜒邑多兮螳螂睹斯兮嫉賊心爲兮
切傷俛念兮子胥仰憐兮比干投劍兮脫冕龍屈兮
蜿蟺潛藏兮山澤匍匐兮叢澗窺見兮溪澗流水兮
沄沄龜鼉兮欣欣鱸鮎兮延延羣行兮上下駢羅兮
列陳自恨兮無友特處兮熒熒冬夜兮陶陶雨雪兮
冥冥神光兮頽頽鬼火兮熒熒修德兮困控愁不聊
兮遑生憂紆兮鬱鬱惡所兮寫情

右哀歲

陟玉巒兮逍遙覽高岡兮嶢嶢桂樹列兮紛敷吐紫
華兮布條實乳鸞兮所居今其集兮惟鴟烏鵲驚兮
啞啞余顧瞻兮怊怊彼日月兮闇昧障覆天兮稜氛
伊我后兮不聰焉陳誠兮効忠攄羽翮兮超俗遊陶
遨兮養神乘六蛟兮蜿蟺遂馳騁兮陞雲揚葦光兮

爲旗秉電策兮爲鞭朝晨發兮鄢郢食時至今增泉
繞曲阿兮北次造我車兮南端謁玄黃兮納費崇忠
貞兮彌堅歷九宮兮徧觀脂祕藏兮寶珍就傳說兮
騎龍與織女兮合婚舉天畢兮掩邪殼天弧兮咎姦
隨真人兮翱翔食元氣兮長存望太微兮穆穆睨三
階兮炳分相輔政兮成化建烈業兮垂勲目瞥瞥兮
西沒道遐迥兮阻歎志穡穡兮未通悵敞罔兮自憐
右守志

亂曰天庭明兮雲霓藏三光朗兮鏡萬方斥蜥蜴兮
進龜龍策謀從兮翼機衡配稷契兮恢唐功嗟英俊
兮未爲雙



